



Opuscula



Epistola



**HONOR  
THEOLOGICVS  
à Sceptris Rectoralibus  
MAGNIFICVS;**

**à virtutibus & meritis Literaria in Republica  
SVBLIMIS;**

**SUB GRATIOSA PROTECTIONE  
CELSISSIMI PRINCIPIS,  
ILLVSTRISSIMI & REVERENDISSIMI DOMINI,**

**D. ANDRÆ  
STANISLAI KOSTKA**

**COMITIS in ZALUSKIE  
ZALUSKI,**

**DEI, & Apostolicæ Sedis Gratiâ  
EPISCOPI Cracoviensis, DUCIS Severiæ,  
EQUITIS AQUILÆ ALBÆ,  
Studii Generalis Universitatis Cracoviensis  
CANCELLARII FAVENTISSIMI.**

**In MAGNIFICO DOMINO,  
D. M. STANISLAO IOANNE  
PHILIPPOWIC,**

**Sacræ Theologiæ LICENTIATO & PROFESSORE, Collega Majo-  
re, Ecclesiarum Collegiatarum; Sancti FLORIANI ad Craco-  
viam DECANO, Cureloviensis SCHOLASTICO, Parochialis  
Premykoviensis PRÆPOSITO, Alumnatûs Roszczeviani &  
Contubernii Starnigeliani PROVISORE, Studii Generalis  
Universitatis Cracoviensis R E C T O R E.**

*Perillustri*



*Perillustri Clarissimo & Admodum Reverendo Domino,*

**D. M. PETRO ALEXANDRO  
SZYMAKOWSKI,**

S. Th. LICENTIATO & Professore, Ecclesiarum; Collegiatæ S. FLORIANI PRÆPOSITO, Parochialis in Nasiechowice CURATO,  
Contubernii Hierosolymitani PROVISORE,

*Perillustri Clarissimo & Admodum Reverendo Domino,*

**D. M. CASIMIRO STANISLAO  
PAŁASZOWSKI,**

S. Th. LICENTIATO & Professore, Collega Maggiore, Ecclesiarum Collegiatarum; S. FLORIANI CUSTODE, Curelovienſis DECANO, Parochialis Czerniechoviensis CURATO, Scholarū Novodvorscianarū PROVISORE.

*Perillustri Clarissimo & Admodum Reverendo Domino,*

**D. M. ADALBERTO ANTONIO  
GRZYMAŁA,**

S. Th. LICENTIATO & Professore, Collega Maggiore, Ecclesiarum Collegiatarū S. ANNÆ DECANO, S. GEORGII in Arce CUSTODE, Zielonecēſis CURATO.

*Dum à*

*PERILLUSTRI & REVERENDISSIMO DOMINO,*

**D. M. MATHIA  
ZIETKIEWICZ,**

Sacrae Theologiae DOCTORE & Professore, Ejusdemq; Facultatis DECANO, Collegii Majoris SENIORE PATRE, Ecclesiarum; Cathedralis Crac: CANONICO, Collegiatæ SS. OO. & Parochialis in Zarnowiec PRÆPOSITO, Librorum per Dioecesim Crac: Ordinario CENSORE,

Canonizationis B. IOANNIS CANTII PROCURATORE,

Vniversitatis PROCANCELLARIO.

**Sacrae Theologiae DOCTORES,**

*In Illustrissima Magnorum Hospitum Frequentia,*

*In Aedibus Collegiatæ Sanctæ ANNÆ;*

*ritu solenni renunciarentur;*

*plaudente calamo,*

M. ADALBERTI BIEGACZEWICZ, Philosophiae Doctoris, ejusdem & Tilliciani Eloquentiae Professoris, Collegæ Majoris, Ecclesiae Collegiatæ S. ANNÆ Canonici,

**DEMONSTRATUS.**

Annò Domini 1748. Die 22. Mensis Januarii.

Typis Collegii Majoris.



# HONOR THEOLOGICVS.

Theologici ad Culmen Honoris  
eluctare Calame!

Magnificum adora, sublimem reverenter metire.

Imò verò

mirare priùs

& merita sublimia, & labores magnificos.

Frustra quippe excelsa Sacrae dignitatis nitereris ad culmina,  
ni mentium apices Cælo & Intelligentiis vicinos,

virtutum & meritorum cumulos grandes,

dulcissimum vectigalis paginae onus,

ad triumphale Orbis proferres spectaculum.

Errat graviter,

quisquis Honoris Magnificentiam, à solo adjectivo  
vocabulo venire censeat.

Virtus, merita, edecumatiq; labores

unam congerendi in substantiam,

ut Honor sublimis pullulet, & Magnus.

Aliter eum obtingere, qui sentit,

*Somniat lucem in tenebris, splendorem quarit in umbris,*

*meditatur flammam in fatuis ignibus,*

*venatur colores in iride,*

*luditur vilis nullò pretiò alge.*

Illustres tituli, clarissimaq; dignitatum agnomina,  
nisi in subjecta se digna cadant, quid sunt?

A

Fucus



*Fucus dignitatis, non dignitas.*

*Larva honoris: non verus honor.*

Illum si deterferis, hanc si detraxeris;  
Erubescet Assyria pro muliebri Sardanapali fuso Purpura,  
Romana pro Galbæ filicernio Majestas.

Nimirum.

*Res præstantissima Honor, soli præstantissima in censum virtuti cedit.*

Præter Nomen est Magnificum nihil,  
si in vacua meritorum prodigitur Nomina.

Si in eorum ornamenta protruditur,  
à quibus reciprocè ornandus non est,

*pallefcit ut in plumbo gemma,*

*vilefcit, ut adamas extra auream gemmarum sedem.*

Nobilissimum profectò accidens,  
turpem in infamiam & propudium degenerat,  
si nihil de emeritæ substantia virtutis retinet.

Ab hac sola esse illius totum.

Quantò hujus se metitur palmò, tantus est, & apparet.

Omnes illius tituli, à Persona quam ornat,  
omnis denominatio à subjecto, quod denominat.

*Exigit nempe priùs quod tribuat, recipit quod reddat  
mercat quòd feneret.*

Ut Excellentis titulò veniat, animi excellentiã requirit,  
ut Illustris nominetur, splendorem virtutum reposcit,

Sublimia merita ut sublimis, omnia Magnifica,  
ut dicatur Magnificus.

**Honor Theologicus**

à magnis meritis & virtutibus Vestris

*Perillustres Domini NEODOCTORES,*

pluribùs se auctiorem titulís gaudet.

Quòd fit, quòd dicatur **MAGNIFICUS,**

Tibi



Tibi debet

*Magnifice, Perillustis & Admodum Reverende D.*

**D. M. STANISLAE  
PHILIPPOWIC,**

Universitatis RECTOR Vigilantissime.

Princeps Scientiarum Divina Theologia,

Ornat Tuum, Cui tota insedit Caput

Doctorali laurô.

Tu Lauream Sacram,

sapientis jubare animi illustras,

magnorum gemmâs meritorum appretias.

Principem scientiam,

Rectorali murice & Sceptrorum ornas Majestate.

Ex Industria omnino

aliquas Honorem Theologicû dixerim nexuisse moras.

Magnis ille Tuis meritis pridem debebatur,

vel eo arcanô gradum accelerare distulerat,

ut sceptriger in Te emineret,

ut à Rectorali Purpura, diceretur Magnificus.

*Quantò verò pulchrius prævenire meritâs honorem,*

*eruditione Lauream;*

Tantò speciosius gloriæ Tuæ argumentum

suspensa tantisper lauræ fecit acceleratio.

Soli illa Tuo Capiti defuit non animo,

quem pridem perfecta coronavit sapientia.

*Eruditorum Insignia, Viros quos invenerint insignes*

*monstrant, non faciunt.*

*Doctorales Cathedra sapientum throni sunt:*

*Tota eorum structura ab architecto intus animo*



*quantum hic egit, ut extelsus fieret, tantum illi prominent.*

Ante Solium Augustus & Cæsar,

qui mente non pumilio.

Ante Cathedræ fastigia,

animum RECTOR Magnifice detulisti Doctorem,

quia sublimem eruditione & sapientiâ.

Renuntiari Te desiderabamus Doctorem,

cum talis esses, priusquam dicereris.

Optabamus Capiti Lauream,

quam edecumata merita,

quam diuturni in Universitate pridem texuerunt labores.

Quadraginta circiter ab annis

Academicam amplexus stationem,

nunquam in ea visus es stationarius.

Alternâ quiete frui;

praxis usitata Diis, usitata hominibus.

*Non semper Jupiter fulmina vibrat,*

*non semper tendit Apollo arcum.*

Abjecisse Hercules aliquandiu Clavam dicitur,

Anthæo pluries procubuisse placuit, ut fortior resurgeret

A primo in Universitatem ingressu

Tibi motus continuus, quies nulla.

Spartam ex sparta, laborem aucupabaris ex labore.

*Nunquam Te ea quietum fecerunt, quæ egisti,*

*semper versabas animo, quæ majora acturus esses,*

*Academica pro obsequio & gloria Palladis.*

Doctor in Philosophia renunciatus,

Platoni & Ptolomæo, Aristoteli & Euclidi,

& nomen & operam dedisti fidelem;

divisus in plures, totus pluribus adhæcisti.

Erudi-



Eruditos labores partiebaris in Philosophos  
& Mathematicos,  
utrorumq; profectui integrum impendisti animum.  
Illorum plurimos Tibi Peripatus debet,  
ex his sequaces suos Ptolomæus penè omnes.  
Debent quoq; Tibi institutionem suam  
Illustrissima SIERAKOVIORUM Nomina,  
tantùmq; Tuam gloriam augent,  
quantùm Infulas, Curules, Arcopagos,  
religione, prudentiâ, justitiâ, ornant, implent, & regūt.  
Magnis in Minori clarissimus,  
majorum Provinciam laborum,  
Majori quæsiisti in Polonia.  
Cursus Tibi in ea Philosophicus obtrigit,  
potius Tu Cursui, qualem poscebat  
dexterrimus & indefessus Athleta.

### Stadium hoc

non una ex parte Logicalibûs horridum spinis,  
sed totum variis difficultatum confutum aculeis,

*clara obscurorum dilucidatione,*

*evolutione abstrusorum felici,*

*difficilium enodatione facili,*

*subtilium resolutione perspicua.*

sic fecisti planum;

ut quibus illud Te Ductore terere contigerat,

Persei se rosas calcasse gloriarentur.

Arenam ibi Philosophicam,

in qua Tibi plurimæ fuerunt luctæ, & lucra totidem,  
à calce decurristi ad Columnam.

Tam solidus in Schola THOMÆ Philosophus,  
quàm pro Rostris Ejus facundus Orator,

b

dum



dū Angelici Doctoris laudes in Periphæria concētrâsses  
Profectò

### Lubransciana Pinus

dedisset ultrò frondes suas Tibi in laureas,  
ni laureatum recepisset.

Nexuit tamē pulcherrimā gloriæ & æstimationis coronā,  
quā ornatus, à Varta ad Vandalum, ab alveo ad fontem,  
à fonte ad Oceanum redux,

& plausum Almæ Matris  
& præmia recepisti laborum.

Hæcne autem laborum præmia?  
quæ majorum pignora fuere.

Ita profectò Academico in Orbe,  
*in quo non prius manus de tabula movenda, quam corpus in urnam;*  
*laboris merces, alterius tessera est.*

Magna operosæ virtutis Minori in Collegio molimina,  
Majus dum coronaret Collegium,  
provocavit ad majora.

### Hic Tibi

Astronomicæ, Geometricæ, Philosophicæ  
incubuerunt curæ,

singulas superiori tulisti animo, cum omnes pari.

### Artistarum vice gemina DECANUS,

si muricem à nativo purpureum non recepisses colore,  
effecisses talem, à gemmis operosi sudoris.

Noctes Tuæ Decanali in Purpura insomnes,  
facillimè persvaserunt Philosophis Cleanthis lucernas,  
& Diogenis lychnos.

Tuus operosissimus in Artistica Facultate Magistratus,  
*lex viva erat*

*inclamans esse fortia agenda, & spartam seriò ornandam.*

Proscripsisti à Stoa Pythagoræ silentium omne,  
Lectoria & Lycæa doctis sub Te resonuerūt clamoribus.

Arena



Arena Stagyritica,  
summo animorum fervore erudita moveri  
audivit iurgia,  
cum & doctrinâ & exemplô,  
deditos Philosophico studio animos moveres incitatiùs.  
Auxisti Facultatem subjectis,  
quæ formâsti Professor;  
Ornâsti Viris,  
quos ad laureas promovisti DECANVS;  
accumulâsti meritâs, replêsti laboribûs  
Philosophus, Mathematicus, Geometra.

Annos ante viginti,  
Theologicam ad Facultatem assumptus,  
novam laboris subiisti arenam,  
novosq; Sole sub Aquinatico sudoris æstus.  
Acuisti lynceam solidioris ingenii pupillam,  
ad solare Thomisticæ sapientiæ jubar.

Ivisti mentis acutæ oculô,  
*per fidei obscurum, per scripturarum caliginem,*  
*per parabolarum umbras, per enigmatum involucria,*  
*in explorando felix, in explicando facilis,*  
*in dilucidando clarus.*

Totam Angelici Doctoris Summam,  
summo suas per partes compilatam labore,  
impendisti in Auditorum usus & profectum.

Cursus Theologicos omnes  
absolvisti indefessus,  
consumâsti coronâ dignissimus.  
Sudabas in Cathedris, laborabas pro Cathedris,  
operosissimus in illis PROFESSOR,  
pro illis & pro Universitate tota  
Generalis longè sollicitus PROCURATOR.



Functio hæc,  
grandis aliàs curarū acervus, ingensq; negotiorū moles,  
totum una hominem requirens,  
totum Te naçta, cum & Cathedræ retinerent totum.  
Trinò eandem lustrò, sustinuisti sine tædio,  
gessisti felici difficilium Causarum cum exitu,  
continuâsti ad insignia laborantiū Professorū comòda,  
ad plurimas expectatorum stipendiorum vindicias.

Quid restabat ampliùs?

nisi ut pro quorum bono, multis in subselliis

& longo jure egisti,

*dares tandem jura Quiritibus,*

acclamarerisq; ex PROCURATORE,

**RECTOR** Universitatis Vigilantissimus;

Ut post exantlatos non tantum in Cathedra,

ast omni in foro labores, veniret Tibi

non solitarius, sed Magnus simul,

& Theologicus Honor.

**Hic Te**

Locò secundū, primogenituræ titulò primū,

quò expectavit tædiosius,

eò lætiùs ambit & coronat,

*Perillustis & Admodum Reverende Domine,*

**D.M. PETRE ALEXANDER  
SZYMAKOWSKI.**

Affurgit senio Tuo Doctoralis Cathedra,

duplici eo conspicuus es,

uno ætatis, altero meritorum.

Illud Te omnibus venerandum,

Hoc



Hoc Theologicis pridem dignum laureis fecit.  
Non nuda verò ætate Theologicus Te metitur Honor.

*Parum quippe vivunt, qui tantum annis vivunt.  
Nullum venit ab ætate lucrum, si nulla bonum in commune lucra.*

Reciprocatione mutua

Academici labores ætatis Tuæ,  
profecta ætas edecumatorum mensuram laborū refert.

*Non annis Tuam in Universitate statuisti distinguere vitam,  
sed annos laboribus.*

Plures illorum exegisti decades, nullam pro Tua reputans,  
quam grandævæ aliquot sæculis Matri,  
vel ad incrementa studiorum, vel ad ornamenta non impenderis.

*Partem Tui meliorem ævi,*

Jagelonicæ libenter excoluere Musæ,  
tanquā præfagæ vates, se quondam à Te excolendas fore.

Non defuit suus Phæbadum vaticiniis eventus.

Renuntiatus quippe in Artibus Magister,  
vigilantissimus Vladislaviēsis Scholis obtigisti Professor.

Magnus Phæbi & Musarum Sacerdos,  
dierum noctiumq; sudores,

Scholarum gloriæ, Studentium profectui litāsti.

Signavit quondam suo Pyrrhus in Achate,  
totum cum Phæbo & Musis Parnassum.

Parnassus noster, sub Te Apolline,  
plurimas ingeniorum protulit & peperit gemmas.

Locutus es in eo,

non vana vatum somnia, sed solidioris arcana doctrinæ,  
& serium omne, quod in basin ac nervum perfectæ eruditionis  
cederet.

Aoniis ex fontibus, succum Literaturæ,

ex Tullii fluentis politioris svadæ medullam

Studiosis propinabas mentibus.

Sufficiebat ad gloriam unus Aristoteli ALEXANDER,  
quid Tibi numerosissima Juventus?

C

quam



*quam rexisti prudentiâ, instruxisti doctrinâ,  
probis imbuisi moribûs, instituisi pietate.*

**Absolutô ergo in Classibus navigiô,**

submissum regimini Tuo, parentem gubernio,  
Philosophicum habuisti Euripum.

Quantæ activitatis, quantæ gloriæ Tuæ negotium?  
fecisse pendulum ab arbitrio Amnem illum,  
qui Stagiræ ingenio non paruit,  
cepitq; prius Philosophorum Principem,  
quàm caperetur.

**Tot Tibi de Eo Triumphis,**

quot per tortuosos illius mæandros & anfractus,

Te Clavum remigii tenente:

*læta luserunt navigia;*

Quot onerariæ Philosophis Classes,  
eruditas securæ peregerunt Naumachias.

**Adeô**

Perito sub Ductore

*etiam in bivio non dubius trames,*

*& in lubrico tutus gressus,*

*& in præcipiti nullum periculum.*

**Sub Te Artistarum DECANO,**

nulla via Philosophis fuit invia,

nullum vadum non superabile,

nulla profunditas non penetrabilis,

nulla difficultas non facilis captu.

**Verè enim Nominis Tui**

**A L E X A N D E R,**

solvebas quæ Gordium sapiebant nodum,

enucleabas quæ arduo tegebantur cortice;

tantùm ingenii acumine in perplexis victor,

quantùm ille gladii acie, in ancipiti alea belli.

**Eru-**



Eruditæ ergo cum plausu virtutis;  
*ex scapha trajecisti in carinam,*  
*ex colle in montem,*

*ex minori luo, in Sacram Divinis ab oraculis*  
*Theologicam commigrasti Dodonam.*

**Philosophica tunc Facultas**

damnum suum sensit, & reputavit pro lucro,  
dispendium retulit, & recensuit pro gloria,  
dum Te sua meritissimum in Sphæra,  
honorifico ad altiore[m] vidit præmiari ascensu.

**Nisi verò,**  
altioris materia & objectum scientiæ, diversû Te fecisset,  
non facile dignoscendus eras

**Theologus à Philosopho.**

**Qua enim facilitate**  
explicuisti Philosophus Aristotelem,  
eâdem Theologus THOMAM.

Quàm clarus naturalis in caligine scientiæ fuisti,  
tam perspicuus in ea Professor:

quæ lucem inaccessam indicat, sed sub ænigmate,  
lumen fidei monstrat, sed sub involuero.

**Apostoli primum Epistolâ,**  
frequentem ad Theologicum sub Te studium invitasti  
Auditorem.

**Eccur verò invitandus erat?**

Qui numerosus è Tuo ad Cathedras pendeat vestigio,  
*quemadmodum apes à Maire ad mellificium provolante.*

Leves pugnas validiori præmisisti certamini,  
*quod magni Duces;*

Explorando facilius Thomistico Soli, aptasti ingenia in radiis,  
*quod Aquila;*

Ad tranandum Aquinaticum mare, exercuisti subjecta in rivulis,  
*quod periti in re nautica Magistri faciunt,*



Sacramentalis, demum Speculativus  
Professlor:

( ut propriò vocabulò utar )

*Theologico expeditus in cursu,*

*in lectione sedulus,*

*in explicatione solidus,*

Pluribùs domi & foris disputationibùs clarissimus;

Doctorali pridem laureâ dignis

ornâsti Facultatem, implêsti Cathedram

& meritis & laboribùs.

Typographiæ pluribùs Annis ADMINISTRATOR,

auxisti Majori emolumentum Collegio,

cum illi librariæ officinæ

exactum primò ordinem, ac demum

firmiora præla, nitidiorem typum, variamq; providisti  
*supellectilem.*

Scholarû & Contubernii Hierosolymitani PROVISOR,

illis laudatissimo præfuiſti regimine,

huic optimo præes gubernio,

prodes curâ & sollicitudine.

Meritò Tuò, votò Academicorum unanimi,

ter Universitatis RECTOR Magnus,

tantum illo in regimine egisti,

quo non plus,

*ad pacata Musarum otia,*

*ad literaria tranquillitatem Reipublica,*

*Regia ad honorem Palladis, Tui ad gloriam Nominis,*

*vel sperari poterat, vel optari.*

*Vocata sunt merita, loquacia beneficia.*

Etiam calamo tacente,

Loquitur liberalitatem Tuam

Parochialis in Nasiechowice Ecclesia,

*Sumptibùs Tuis elevata à ruinis*

*aucta decoribùs, accumulata ornamentis.*

Mater



Mater Literarum & Tua Universitas  
pridem Te titulô Benefactoris compellavit,  
Quem nunc inter gaudia & plausus acclamat  
**NEODOCTOREM.**

Ordine & locô tertius,  
meritorum ac eruditionis gloriâ nemini secundus,  
vectigalem sub calamum venis,

*Perillustri & Admodum Reverende Domine,*

**D. M. CASIMIRE  
PALASZOWSKI.**

Minus est meritîs Tuîs quodlibet elogium,  
minor laus laboribûs.

Omnes in Orbe Literario spartas  
dexterrimô subiîsti animô,  
ornâsti actione, opere coronâsti.

Virum Te robustissimum Academici invenêre labores.

Plures peregisti, quàm recenseri possunt,  
nullus Te fatigavit, nullus nô minor Tuîs viribûs apparuit.

Post assumptas in Philosophia laureas

**Novodvorsciano in Musæo**

primæ Tibi circa instituendam Juventutem curæ fuerunt,

*Leves eas quis dixerit?*

quibus tota eruditionis & virtutis incubuit moles.

*Tenerior enim institutio integram vitæ hominis rationem subit.*

*Quem mollior lana colorem recipit, difficulter dimittit,*

*Quo semel est imbuta recens, servat odorem  
testa diu.*

Juvenum animi, instar surculorum sunt,  
quam eos in partem inflexeris,  
in eam semper propendebunt.

Summa animadversione opus, ne frutices hi degenerent  
in stolones.



Summo labore, ut radices mentium formentur in Mercurio.  
Magnos huic negotio impendisti conatus,  
magna enixi laboris adjecisti momenta.  
Bonis profectò artibus instituebas Iuventutem,  
quia probitati iunctis.

Tuo sub Magisterio,  
artium simul & virtutum capiebantur tyrocinia.

Attendebas seriò studentium profectui,  
nec minus introspeciebas in mores.

Commendans Sapientiam, inculcabas timorem Domini  
initium Sapientiae.

Magnum in utroq; Iuventutis profectum,  
labor Tuus enixus & magna fecit vigilantia.  
Allaborabas sedulò ut ex illo Reipublicae Seminario,  
prodirent Patriae & docti Cives & viri probi.  
Effecit utrumq; facile circumspecta Tua prudentia.

*Ut enim artis frenatoria periti faciunt,  
qui umbrâ virgae generosos Sonipedes regunt,  
tardiores calcaribus.*

Nobiles Teopompos, laudis stimulò incitabas,  
ferulâ, qui Ephori obtigerunt.

Quàm propensò in commoda & emolumenta Iuventutis  
fueris animò, testis est

Rhetorica typis impressa Institutio.

Dies noctesq; attrivisti,  
ut illa lucem deterfâ praeli sepiâ aspiceret.  
Hujus pretiò operæ, redemisti tempus, quod scribendis Rhetori-  
cis insumebatur præceptis.

Voluisti manus feriari à calamo,  
ut notabiles animorum præscinderes ferias.

Duxisti satius  
Copiosorem mentibus affundi stylum, quàm chartis,  
& ingentis eò plus de eloquii torrente,  
quò minus sepiâ effunderetur in paginas.

Sub Te Novodvorlciano Isocrate,

fer-



fervido cultioris svadæ amore, nobiles incaluerunt animi,  
eo feliciori votorum successu, quò faciliorem parandæ  
præscriperas & methodum & viam.

Classisticis laboribus Minus in coronam Collegium,

**Tyliciana verò Professio,**

majorum cessit in materiam laborum.

Novem ultra annos solidiorem Eloquentiæ texuisti telam,  
omni quod eam intimius respexerit æstimandam sæculo.

*Tullianos hic latices vastum diduxisti in mare,*

*Oratoria lumina, in luminum fontem,*

*copiosè dicendi artem, in eas dissertationes & praxes,*

*quæ Nuntio ad Comitia, Senatori ad Curiam,*

*Legato ad Principem, Ecclesiastæ ad Sacra suppeterent Rostra.*

Commendatur ab Iliade Homerus,

in qua Achilles gesta Orbi commendavit.

**Principum, Præsulum, Senatorum,**

Panegyricus toties laudator,

semper felicitatis calami plausum, & cultioris retulisti

encomia svadæ.

**AUREUM PATRIÆ & ECCLESIAE TRIPODEM,**

**in Junossio A G N O**

**Celsissimi PRINCIPIS, CANCELLARII ad**

**præsens Nostri Faventissimi,**

Plocensem primò ascendentis Cathedram,

vestigali cum adorares calamo,

visus es è Tripodum consilio scripsisse,

**Cum PRINCIPEM CANCELLARIUM,**

Sapientissimo Capite Delphos gerere,

ore oracula loqui, Orbis habeat in confesso.

**PLUS ULTRA HONORIS**

**Gentilitijs GONZAGÆ & WIELOPOLSCIIS MY-**

**SZKOVII Palatini decoribus ;**

**FONS SPLENDORIS**

d2

In



*IN BONUM PATRIÆ OCEANUS  
LUBOMIRII Principis SZRENIAVA;  
FASTIGIUM INFULÆ & MITRÆ*

à Rastriferis LIPSCII Præsulis Montibus

Craciò eminentius Vavellò;

dignæ tantis Nominibûs Panegyres,

pretiosi pennæ Tux sudores,

acceptata officiosissimæ in magnos Regni Proceres

Academicæ Eloquentiæ documenta,

quorum venerunt in manus, eorum cordibus

magna Tui insedit æstimatio.

Ac si totos suadæ torrentes, uno conclusisses calamò,

præter Præsulum ad Stalla, Senatorum ad Curules,

condignos eo fudisti plausus;

*ANCHORÆ ŁOPACCIANÆ*

Theologico in æquore fixæ;

*POTESTATI KAZNOVII TRIBUNALITIÆ*

Iuridicam ad Lauream provectæ.

Funeribus demum meritorum de literis Virorum,

lugubri dum parentares stylò,

gratam eruditorum Nominum transmisisti posteris memoriam,

acerbos Universitatis dolores leniisti.

Continuis profana in Cathedra laboribus,

junxisti in Sacra quoq; operosa negotia.

In Collegiata primùm Divæ ANNÆ,

pòst festivus Cathedrali in Ecclesia Concionator,

ad Lydios illos ingeniorum lapides,

quibûs Coronarum Ternio fulget, locutus es aliquot annis

æquè pro Reginæ Cælorum Majestate,

ac pro Auditoris dignitate,

jaçtent alii Oratorum Phænices,

Tu domi forisq; audiebaris Orator felix.

Summis profectò Eloquentiæ spartam

gessisti laboribûs,

Philolophiæ non minoribûs.

Trinîs in Facultate hac vicibûs DECANUS,

pluribûs utramq; ad Lauream Promotor,



geminò meritissimus titulò,  
sedulo nempe labore

& Laureatorum ultra centum viginti creatione.

**Ex Oratore, Philosopho, tandem Theologus,**

in nova contulisti animum,

Superioris in aditu Cathedræ mutatas dixisti formas;  
mutatâ verò scientiâ, non curas in docendo enixas,  
non animum, in quærendo studentium profectu mutâsti.

Eo Tibi apparuisti dissimilis,  
quòd ex Philosopho Theologus,  
eo simillimus imò idem,

quòd utroq, sub nomine  
eandem in docendo facilitatem,  
in formandis tam Ecclesiæ, quàm Patriæ subjectis  
felicitatem retineres.

**Speculativum, Moralem,**

gemina verò Cursum Sacramentalem vice  
absolvisti indefessus.

**Theses alias**

**Divi CASIMIRI Tutelaræ Tui Regio,**  
**alias MNISZCHOVII olim Castellani**

Nomini dicâsti Illustrissimo;

utraq; oppugnatas publicè, dexterrimè defendisti.

Theologicæ peries labores Cathedræ Academicæq; negotia,  
quæ nisi catervatim incumberent,  
desinerent esse Academica,

**Ordinandorū & approbandorū ad EXamen assumptus,**  
**libentissimus Ecclesiæ impendisti obsequium.**

*Non hic autem Sphynx proponis anigmata,  
ut Oedipos noscas.*

Exploras seriò ingenia, sed exploratio ad captum.

Proponis difficilia facili ter,  
perplexa non involutè, obscura clarè, dubia planè;  
*majus in eo ingeniorum iudicium ponens,*

e

si



*si plus queratur de scientia,  
quàm de ingenio,*

**Scholarum Novodvorſcianarum Provifor,**

*ut olim instituendæ Iuventuti incubuiſti fideliter,*

*ſic nunc eam inſtituentibus attendis ſollicitè.*

**Domi meritîs, foris æſtimatione plenus,**

**exercuiſti demum cum gloria**

*artem artium, & quandam Sapientiam Sapientie,*

*regimen nempe Sapientum.*

**Sexies RECTOR Univerſitatis Magnificus,**

**rexifti literatos ſvaviter, liberos efficaciter.**

**Auxiſti Sceptris Academicis pretium,**

**cùm ea nuper Regiarum in adorationem MAJE-**

**STATUM, Sereniſſimarumq; ſalutationem adſter-**

**neres PRINCIPUM,**

**eloquiò MAJESTATIBUS gratò,**

**laudatò à Regni Proceribus,**

**appretiatiò ab omnibus.**

**Nullus ſanè ſupereſt titulus,**

**quo de re literaria non merueris.**

**Hic reſtabat unicus,**

**quo Te iam venerabimur**

**creati Sacra in Facultate NEODOCTORIS.**

**Agmen Laureatorum claudendo**

**veſtigali pennæ novum laudum Campum aperis.**

***Perilluſtris & Admodum Reverende Domine,***

**D. M. ADALBERTE**

**G R Z Y M A L A.**

**Quanquam verò laudanda agere malis, quàm laudari,**

**Quomodo tamen laudari non debeas? cùm omnia**

**egeris laude digna.**

***Umbra Solis comes, laus rectefactorum.***

**Etiam tacente penna,**

**Stoa**



Stoa & Peripatus ageret pro Te Oratorem  
satis vocalem.

Exactò apud Iagellonicas Musas tyrociniò,  
promeruisti brevi laurearum stipendia.

Doctum Corymbum,  
quòd non frustra vertici impositum susceperis,  
in qua Viri probantur dextro gressu descendisti  
in arenam.

*Ut plurimum alii serio certamini, levioribus præ-  
ludunt pugnis,*

Tibi pro prima acie Major obtigit Polonia.  
Ludos in ea non gladiatorios,  
nec Olympica egisti certamina.

At verò Cursus Philosophicus, motaq; toties  
argumentosa cum doctis prælia,  
majorem Tibi Victoriarum gloriam,

majora eruditæ mentis compararunt trophæa,  
*Sicut enim differunt acumine gladii, sic victoriis triumphi,*  
Præter Martis Capitolia, etiam Cecropiæ Pal-  
ladis Arces, Aris Victorum plenæ.

*Virentior laurea, quam sudor eruditus tinxit, ac quam cruor.  
Non aliud speciosius triumphi genus, quam  
de ingeniis triumphasse.*

Horum Tu pluries Victor,  
pulcherrima Nominis Academici cum gloria redisti ex Majorica.  
Minori primùm ac demum Majori incorporatus Collegio,  
laboribus labores, meritis magnis accumulabas majora.  
Vna linea Apellem, una actio non Tibi Virum  
facere videbatur.

Geminasti proinde operosissimum negotium,  
legendo iterum Philosophico Cursui,  
Vladislavianus ex Collegio Majori Professor,  
biennalem impendisti operam.

Felicem se numerosus fatebatur Auditor,  
sub Te Professore.



Ea equidem erat Tibi in explicando facilitas,

*ea in enucleando claritas,*

*ea in resolvendo subtilitas;*

*ut nunquam hæserint in arduis,*

*nunquam cessitârint in dubiis,*

*nunquam fluctuârint in profundis,*

quibus à Te in Philosophia erudiri contigerat.

*Frangitur intensus, si non remittitur arcus,*

*atteritur & ferreus continuo annulus usu.*

Tu oneribûs exercebaris ad onera, laboribûs nutriebaris ad labores.

Ambiit emeritos Tuos humeros Decanalis Purpura.

Crederet quispiam deterfisse eam, profusos repetito

in Cursu sudores, sed re ipsa majores provocavit.

*Illud quippe hîc purpuris ingenium*

*quòd magis dierum sudores, noctiumq̃*

*pallores ambiant, quàm superbiant murice.*

*Generoso sonipedi similis quævis literaria dignitas,*

*non patitur sessorem, nisi meritis gravem, laboribus onustum.*

Gemina vice Philosophicum gessisti muricem,

& ornâsti utrâq̃.

### Facultatis Decanus

continuas laboris agebas excubias,

ut omnes Themistocles essent, cum Tu Mylciades.

Disputationibus Philosophorum Ordinariis,

summa in id attentione præeras,

*ut cresceret amula virtus, daretq̃ vexatio intellectum.*

### Te Duce

in illis animorum velitationibus, contendebat quisq̃ vincere,

alios etiam vinci non pudebat,

cum eo ipso proficerent ad victoriam.

Te doctarum Moderatore luctarum,

ibant pugnaces in arenam sententiarum,

torquebantur & retorquebantur argumentorum tela,

dexteritate ingeniorum magna, gloriæ verò Tuæ

triumphô maximô.

Post



Post Philosophicas Theologica Cathedra,  
honoris Tibi & novi laboris gradus.

Quantum illæ in naturalibus Philosophum,  
tantum hæc audivit in Divinis Theologum,  
aliàs subtilem, profundum, solidum & perfectum.

Non uno Te illustrem lumine, congesta fecit scientia.  
Alio quidquid in naturalibus latens, alio quidquid  
in Divinis obscurum attigisti,  
tam fideli & sincera communicatione in alios;  
ut totum pene Tuum scire, sit scire aliorum.  
Sive Morale, sive Speculativā Theologiam traderes,  
tantum doctrinæ profudisti in Auditorem,  
quantum animò complectebaris scientiæ.

Hujus autem tantum complexus es,  
quantum ad sapientis animi sufficebat triumphos,  
quoties in publicis ex sacra Scientia Disputationibus,  
sive defenderes, sive oppugnares.  
Docto de Angelis dùm recenter incumberes Tractatui,  
Doctoralis operoso Capiti imminuit Laurea,  
plausu, sanè Tuo pulcherrimo;  
quòd ipsæ Intelligentiæ, seriò secum agenti  
visæ sint nexuisse corymbum,  
qui Orbis Intelligentias coronat.

## Ita Vobis

meritorum & virtutum plenis, scientiâ ornatis,  
non festinus quidem, sed festivus obvenit

**HONOR THEOLOGICUS.**

**Perillustres Domini  
NEODOCTORES.**

Sublimem eum veneramur in Vobis,  
à merito Vestro & eruditione,



Magnificum à Scepbris Rectoralibus,  
inde vero Magnificentissimum,  
quòd Laureas suas

**Celsissimi Principis,  
Illustrissimi & Reverendissimi  
A N T I S T I T I S,  
Vniversitatis Cancellarii,**

gratiosa protectione assertas,  
benevolâ præsentiâ ornatas,

Præsulea benedictione sacratas,

emeritis offerat in coronamentum capitibus.

Laus ergo, Honor, Gloria, & gratiarû actio  
à Musis nostris perennis;

*SEDENTI in THRONO & AGNO*

**Vobis Perillustres Doctores**  
solennes Academicorum Ordinum plausus,  
& ista sunt cordis devinctissimi vota;  
Vivite longum dilecta Phæbo & Musis Nomina.

Doctoralibus sub Laureis

estote omni fatorum à fulmine tuti,

florete incolumitate diuturna,

successibus vigete prosperrimis,

in Quaternione Virorum,

in unione animorum,

pulcherrima Almæ Matris,

&

Sacræ Facultatis

**C O R O N A.**




u  
e,  
M  
o-  
m  
o  
es  
er  
ne  
a-  
ut

o  
e-  
y-  
ti-  
e-

o  
e-  
y-  
ti-  
e-







22.000,-

3.XII.13



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



